

կանասցի այնու Բղեշին, արասցէ որպէս և կամի : Չայս ամենայն դէպս գրեաց Թէոդորոս Պատրիարք երկար բանիւք առ Գլխաւորս աղբին 'ի Կոստանդինուպօլիս, և խընդրէր գտանել հնարս ազատութեան, եւ թափել զինքն 'ի բռնութենէ Կուսակալին և 'ի դաւաճանութենէ Քաղաքապետին ('ի 17 Մարտի) : Կուսակալն Սիդոնի Սիւլէյման Փաշա Մուխեթլի դրան տաճարին Ս. Յարութեան, խնդրէր յառաջագոյն զմեծ գումարս 'ի Հայոց, որում խոստացեալ էին տալ մինչեւ 40,000 դահեկան, և նորա չէր հաճեալ, այլ 'ի սմին ժամանակի գրեաց առ Թէոդորոս չպահանջել ինչ, զի լսելով զնեղութիւնս նորին 'ի դութ շարժեցաւ, և հրամայեաց յետս դարձուցանել զ10,000 դահեկանն, զոր առեալ էր Յոպպէի Մէհէմէտ աղայն, որ և արար իսկ, և ինքն ետ 30,000 դահեկան և էառ փոխանակագիր հատուցանել Փոխանորդին 'ի Կոստանդինուպօլիս : Գրեաց Թէոդորոս Պատրիարք առ Փոխանորդն առնուլ հրաման յԱրքայէ եւ առաքել ատաղճ եւ զայլ կարեւոր պէտս եւ զգործաւորս վասն շինութեան թերի մնացեալ տեղեացն Հայոց 'ի Ս. Յարութիւն, զի գործաւորքն որք եկեալ էին յառաջագոյն ընդ Ադամ Գալփայի մեկնեցան, զորոց զձախսն հողաց նա ինքն Թէոդորոս, և պատրաստեաց թաւիշ վարագոյրս կախել ըստ առաջնոյն 'ի սեփհական տեղիս Հայոց 'ի վերայ սեանց 'ի Ս. Յարութիւն, այլ Յոյնք ընդդէմ կացեալ արգելին զայն, և մնաց խափանեալ մինչեւ ջայսօր : Խնդրեաց նաեւ զպատմութիւնս անցիցն որք անցին յաւուրս իւր 'ի Կոստանդինուպօլիս, զոր գրեալ էր անդ Փոխանորդ Պօղոս վարդապետն, որպէս եւ Գիոնէսիոս զանցս Նրուսաղէմի : զի միաւորեալ զերկոսեանն տացէ տպագրել : Սակայն զըրուածք Պօղոսի չերեւին 'ի միջի, այլ միայն որ գրեցաւ յերուսաղէմ, յորմէ քաղեալ եղաք 'ի կարգ պատմութեանըս, զոյգ ընդ նմին ունելով և զնամականիս Թէոդորոսի : Սակայն առանձին գրեալ և համառօտեալ գրքոյն վասն բաժանորդութեան Բեթղեհէմի բարձաւ 'ի միջոյ Աթուոյն 'ի ձեռն անհաւատարիմ ոմանց :

